



'Ja se ne rukujem sa ženama. Zaista je moj govor i moja prisega stotini žena kao govor i prisega jednoj ženi,

Prenosi se da je Umejma bint Rukajka, radijallahu anha, kazala: "Došla sam Allahovom Poslaniku, sallallahu alejhi ve sellem, zajedno sa skupinom žena ensarijki, kako bismo mu dale prisegu. Kazale smo: 'Allahov Poslaniče, dajemo ti prisegu da nećemo Allahu ništa ravnim smatrati, da nećemo krasti, da nećemo činiti blud, da nećemo iznositi potvore i da ti nećemo biti neposlušne.' Tada nam je Allahov Poslanik rekao: 'U onome što možete i što ste u stanju.' Rekle smo: 'Allah i Njegov Poslanik su milostiviji prema nama. Dajemo ti prisegu, o Allahov Poslaniče.' Na to nam je Allahov Poslanik rekao: 'Ja se ne rukujem sa ženama. Zaista je moj govor i moja prisega stotini žena kao govor i prisega jednoj ženi, ili slično mome govoru jednoj ženi.'"

[صحيح] [رواه الترمذي والنسائي وابن ماجه]

Umejma bint Rukajka, radijallahu anha, kazuje da je došla Allahovom Poslaniku, sallallahu alejhi ve sellem, zajedno sa skupinom ensarijki, kako bi mu dale prisegu: da Allahu neće ništa ravnim smatrati, da neće krasti, da neće činiti blud, da neće iznositi potvore (odnosno da neće poturati tuđu djecu svojim muževima) i da mu neće biti neposlušne u onome što je dobro. Tada im je Allahov Poslanik, sallallahu alejhi ve sellem, rekao: "U onome što možete i što ste u stanju." Rekoše: „Allah i Njegov Poslanik milostiviji su prema nama. Dođi da ti damo prisegu, o Allahov Poslaniče, rukovanjem, kao što to čine muškarci.“ Na to im je Allahov Poslanik, sallallahu alejhi ve sellem, rekao: "Ja se ne rukujem sa ženama. Uistinu, moj govor i moja prisega stotini žena jednaki su mom govoru i mojoj prisezi jednoj ženi."

<https://www.sunnah.global/hadeeth/bs/show/66196>

